



UNTUK SIARAN SEGERA

KENYATAAN MEDIA

COVID-19: SWM ENVIRONMENT BERTINDAK PROAKTIF MELINDUNGI PEKERJA

MELAKA, 10 Februari - SWM Environment Sdn Bhd (SWM Environment) sentiasa komited untuk meningkatkan langkah perlindungan bagi mengelakkan anggota kerjayanya daripada terdedah kepada risiko jangkitan wabak novel Coronavirus (Covid-19).

Pengurus Wilayah Melaka dan Negeri Sembilan, Dr Al' Ashari bin Othman berkata, langkah itu termasuklah menjalinkan kerjasama dengan pejabat kesihatan daerah bagi menganjurkan taklimat pencegahan Covid-19 di empat cawangan SWM Environment.

"Anggota kerja SWM yang bertugas di lapangan khususnya di lokasi tumpuan pelancong terdedah kepada risiko jangkitan Covid-19.

"Sehubungan itu, langkah proaktif tersebut diambil sebagai melengkapikan prosedur keselamatan dan kesihatan pekerjaan SWM Environment yang sedia ada seiring dengan saranan sementara (*temporary recommendations*) yang dikeluarkan oleh Pertubuhan Kesihatan Sedunia (*World Health Organization, WHO*) agar aktiviti pengawasan dan pencegahan diperkukuhkan," katanya.

Menurut beliau lagi, pihak SWM Environment juga akan memberi perhatian khusus kepada anggota Unit Pusat Bandar di bandar-bandar utama yang menjadi tumpuan pelancong.

Jelasnya, pendekatan tersebut diambil bagi menguruskan kontak rapat dan pencegahan penularan penyakit berjangkit di lokasi tumpuan pelancong dalam kalangan anggota SWM Environment tanpa menjejaskan operasi pembersihan awam.

TAMAT

FAKTA

SWM ENVIRONMENT SDN. BHD.

SWM Environment Sdn. Bhd. (SWM Environment) telah dilantik pada tahun 1997 di bawah perjanjian konsesi di bawah Akta Pengurusan Sisa Pepejal dan Pembersihan Awam Negara 2007, yang bertanggungjawab terhadap pengurusan sisa pepejal dan pembersihan awam di Johor, Melaka dan Negeri Sembilan.

SWM Environment mempunyai tenaga kerja seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.98 juta orang bagi liputan geografi 27,400 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara aktif memberi sokongan padu kepada Kementerian Perumahan dan Kerajaan Tempatan (KPKT) dalam mempromosikan program-program alam sekitar yang berimpak tinggi seperti Pengasingan Sisa Di Punca (SAS), kitar semula dan pengomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjaran, KITAR3CYCLE di tiga negeri selatan Semenanjung Malaysia. KITAR3CYCLE menggalakkan orang ramai untuk mengitar semula dan terima mata ganjaran untuk lebih daripada 30 jenis barangan kitar semula termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian atau jaringan dompet elektronik (*e-wallet*) Boost untuk berbelanja dengan pedagang yang tersedia di bawah sistem elektronik pembayaran (*e-payment*). Orang ramai boleh memuat turun aplikasi KITAR3CYCLE dari *Google Play* atau *Apple Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut sila hubungi:

Noor Che Wah Ramli

Eksekutif Jabatan Komunikasi Korporat

SWM Environment Sdn Bhd

Lot 4B-17,18,19, Jalan TTC 26,

Kawasan Perindustrian Cheng,

75250, Melaka.

Tel : 06-3350116

Faks : 06-3350117

Email : wah.ramli@swmsb.com